

Xon⁴ xi³ pa²stro⁴ Pablo qui³squi³-le⁴ cho⁴ta⁴ efesios

1 An³ nia¹³ Pablo, pa²stro⁴-le⁴ Jesucristo, nca⁴ c⁷oa⁴-s⁷in² coan³me³-le⁴ Ni³na¹. Ti²cji³-no³ jon² xi³ cho⁴ta⁴-le⁴ Cristo, xi³ ti³yo³ ya⁴ Efeso. Nta³ ma³nquin¹t⁷a³-lao⁴³ Cristo Jesús. ²Ni³na¹ n⁷ai³-na¹ cao⁴ Nai³-na¹ Jesucristo ca²ta³tsjoa¹-no³ cjoa⁴nta³, c⁷oa⁴ ca²ta³si¹qui³njen³nch⁷an¹j³ni⁴ma⁴-no³.

Ni³na¹ si¹chi³con³t⁷ain³-na¹
nca³ ti³yo³coa⁴² Cristo

³Ca²ta³vi³tjo³je³ya³ Ni³na¹-le⁴ cao⁴ N⁷ai³-le⁴ Nai³-na¹ Jesucristo, xi³ qui³si³chi³con³t⁷ain³-na¹ cao⁴ nca³yi³je³ cjoa⁴nta³ xi³ ts⁷e⁴ nc⁷a³jmi³ xi³ t⁷a³ts⁷e⁴ ni⁴ma⁴-na¹, nca³ ti³yo³coa⁴² Cristo. ⁴Ni³na¹ c⁷oa⁴-s⁷in² tsa³cja³⁷a¹j³in³-na¹ nca⁴ ti³yo³coa⁴² Cristo sa³⁷nta³ nca³ cje³ s⁷e³nta³-jin² son³⁷nte³, jme¹-ni³ nca³ tsje³ coan⁴-si¹nia³² nca³ ni⁴jme³-jin² je¹ s⁷e⁴-si¹ni³na¹ nqui³xcon⁴ nca³ je². ⁵C⁷oa⁴-s⁷in² coan³tsjoa³que³-na¹ nca³ to⁴nqui³-ni³ qui³sco³son²-ni³le⁴ nca³ nti¹-le⁴ coi⁴tso⁴-na¹ xi³ to⁴t⁷a³ts⁷e⁴ Jesucristo, jo³-s⁷in² coan³me³-le⁴ nca³ je², ⁶jme¹-ni³ nca³ nta³ coi⁴tjo³-si¹ni³ cjoa⁴je³ya³-le⁴ xi³ to⁴t⁷a³ts⁷e⁴ cjoa⁴nta³-le⁴. Je² cjoa⁴nta³-

le⁴ qui³tsjoa³cjoa⁴tjao²-na¹ nca³ ti³yo³coa⁴² je² nti¹-le⁴ xi³ tsjoa³que³. ⁷Je² Cristo tsa³c⁷e¹chji¹ntjai²-na¹ cao⁴ njin¹-le⁴. Qui³si³cha³t⁷a³ je¹-na¹ nca³ c⁷oa⁴-s⁷in² to⁴n⁷ion¹ tse³ cjoa⁴nta³ xi³ tj³in¹-le⁴. ⁸Je² cjoa⁴nta³-le⁴ n⁷ion¹ tse³ qui³si³ncjin²ya³son²-na¹ cao⁴ nca³yi³je³ cjoa⁴chji⁴ne⁴ cao⁴ cjoa⁴fa³⁷ai³tsjen³-le⁴. ⁹C⁷oa⁴-s⁷in² qui³si³c⁷a³tsen³-na¹ je² xi³ je² me³-le⁴, xi³ tj¹ma³, jo³-s⁷in² nca³ cjoa⁴tsjoa³-le⁴ni³, jo³ qui³tso² je² cjoa⁴fa³⁷ai³tsjen³-le⁴ nca³ xa¹ c⁷oe⁴²nta³-ni³ xi³ to⁴t⁷a³ts⁷e⁴, ¹⁰nca³ c⁷oe⁴²xco¹ nqui²ntia³ to⁴t⁷a³ts⁷e⁴ Cristo nca³yi³je³ tso³jmi² xi³ tjio¹ nc⁷a³jmi³ cao⁴ xi³ tjio¹ i⁴ son³⁷nte³, c⁷ia⁴ nca³ cjo¹cho³ choa⁴-le⁴. ¹¹To⁴coi³ nca³ Cristo ti³yo³coa⁴², tsa³cja³⁷a¹j³in³-na¹, c⁷oa⁴ tsa³ca³sen¹-na¹ jo³-s⁷in² nca³ to⁴nqui³-ni³ qui³sco³son²-ni³le⁴ je² xi³ v⁷e¹nta³ nca³yi³je³ jo³-s⁷in² si¹cja³⁷ai³tsjen³, nca³ c⁷oa⁴-s⁷in² me³-le⁴. ¹²Ni³na¹ tsa³cja³⁷a¹j³in³-na³j⁴in⁴ nca³ jin⁴-jin⁴ xi³ ti¹tjon² qui³cho³ya²cao⁴cjoai⁴-jin⁴ t⁷a³ts⁷e⁴ Cristo, jme¹-ni³ nca³ coan⁴ ch⁷a⁴sje³nta³-si¹ni³j⁴in⁴ je² cjoa⁴je³ya³-le⁴. ¹³C⁷oa⁴-ti⁴ jon² xi³ Cristo ti³yo³coa⁴³, je³qui³no²⁷ya²-lao⁴³ je² en¹ xi³ cjoa⁴qui²xi⁴, je² en¹

xi³ va³co¹-no³ jo³-s⁷in² vi²tjo⁴ntjao²³.
 Jon² xi³ je³coan³cjain¹-no³, je²
 Espíritu Santo xi³ qui³ni²s⁷e³nqui³-
 no³ tsa³ca³sen¹choa⁴-no³ nca³
 ti³yo³cao⁴³ Cristo. ¹⁴C⁷oa⁴-s⁷in²
 Ni³na¹ tsa³c⁷e¹jna³nqui³-na¹ je²
 Espíritu Santo xi³ t⁷a³ts⁷e⁴ cjoa⁴tjao²-
 na¹, sa³⁷nta³ ña³qui³ s⁷e⁴-na¹ xi³
 tsan⁴², jme¹-ni³ nca³ ch⁷a⁴sje³nta³-
 si¹nia³² je² cjoa⁴je³ya³-le⁴.

Pablo v⁷e¹ts⁷oa³ nca³ nta³ scoe⁴ Ni³na¹

¹⁵Coi³ cjoa⁴ nca³ an³ qui³nch⁷oe³
 nca³ ma³cjain¹-no³ t⁷a³ts⁷e⁴ je² Nai³-
 na¹ Jesús, c⁷oa⁴ nca³ tjao²chao³
 nca³ts⁷i³ cho⁴ta⁴-le⁴ Cristo, ¹⁶li²coi³
 si³cha³jian³ nca³ tsjoa³ cjoa⁴nta³
 xi³ t⁷a³tsaon⁴³. C⁷oa⁴-ti⁴s⁷in²
 si³cja³⁷ai³tsjen³-no³ nca³ v⁷e³ts⁷oa²³.
¹⁷C⁷oa⁴-s⁷in² v⁷e³ts⁷oa²³ nca³ Ni³na¹-
 le⁴ Nai³-na¹ Jesucristo, je² N⁷ai³-na¹
 xi³ ts⁷e⁴ cjoa⁴je³ya³, ca²ta³tsjoa¹j³in³
 ni³ma⁴-no³ cjoa⁴chji⁴ne⁴,
 ca²ta³si¹⁷i³sen³-no³ sa³⁷nta³ nta³
 jchao⁴³ Ni³na¹. ¹⁸C⁷oa⁴-s⁷in²
 si⁴²⁷i³sen³-le⁴ cjoa⁴fa³⁷ai³tsjen³-le⁴
 ni⁴ma⁴-no³, jme¹-ni³ nca³ jcha⁴-
 nio³ jña³-le⁴ xi³ cho³ya²-ni³lao⁴³
 nca³ qui³no²cjoa⁴-no³. Jcha⁴-nio¹³
 jo³-s⁷in² nca³ n⁷ion¹ tse³ cjoa⁴je³ya³
 xi³ tj³in¹-le⁴ je² cjoa⁴tjao² xi³ s⁷e³-
 le⁴ Ni³na¹, xi³ je² cho⁴ta⁴-le⁴ Cristo.
¹⁹Jcha⁴-nio¹³ jo³-s⁷in² nca³ li² to⁴jo³
 xi³ cji³ nc⁷a³ ti¹jna³ nca³n⁷ion¹-le⁴
 xi³ t⁷a³tsan⁴² xi³ je³coan³cjain¹-na¹.
 Jcha⁴-nio¹³ jo³-s⁷in² n⁷ion¹ si¹xa¹cao⁴
 nca³n⁷ion¹-le⁴ xi³ tse³ tj³in¹-le⁴. ²⁰Cao⁴
 je² nca³n⁷ion¹-le⁴ qui³si³xa¹j³in³-le⁴
 Cristo nca³ qui³si³cja³⁷a¹ya³j³in³-ni³le⁴
 c⁷en³, c⁷oa⁴ nca³ qui³si³c⁷⁷e¹jna³t⁷a³
 nca³qui²xi⁴-le⁴ ya⁴ nc⁷a³jmi³.
²¹Nqui²sa⁴ to⁴nc⁷a³ qui³si³c⁷⁷e¹jna³-le⁴
 cao⁴-ni³ tsa² xi³ xa¹ti¹tjon² tj³in¹-

le⁴, cao⁴ nca³ts⁷i³ cho⁴ta⁴xa¹, cao⁴
 nca³ts⁷i³ xi³ tj³in¹-le⁴ nca³n⁷ion¹, cao⁴
 nca³ts⁷i³ xi³ tj³in¹-le⁴ cjoa⁴te¹xo³ma³,
 cao⁴ nca³ts⁷i³ jan³⁷ain¹ xi³ i⁴
 son³⁷nte³ tj³in¹, a³li² tsa² to⁴je²-j³in²
 ni⁴chj³in³-vi⁴, jo³-sa³ tj³in¹ ni⁴chj³in³
 xi³ s⁷a⁴ nchoa¹-sa³. ²²Ni³na¹ c⁷oa⁴-
 s⁷in² qui³si³c⁷⁷e¹yo³nqui³ ntso⁴co⁴
 Cristo nca³yi³je³ to⁴jme³-ni³ve⁴.
 Ni³na¹ qui³si³c⁷⁷e¹jna³ Cristo
 nca³jco⁴-le⁴ nca³yi³je³ cjoa⁴ xi³
 t⁷a³ts⁷e⁴ na⁴xi⁴na³nta¹-le⁴ Cristo.
²³Je² na⁴xi⁴na³nta¹-le⁴ Cristo jo³-ni³
 tsa² yao³-le⁴ ma³, xi³ si¹jnc³ je² xi³
 si¹jnc³ nca³yi³je³.

Vi²tjo⁴ntje² to⁴t⁷a³ts⁷e⁴ cjoa⁴nta³

2 Je² qui³si³c⁷⁷e¹yo³con³-no³
 nca³ jon² xi³ jo³-ni³ tsa² xi³
 ti³yo³c⁷aon³ xi³ to⁴t⁷a³ts⁷e⁴ cjoa⁴ts⁷en⁴
 cao⁴ je¹-no³. ²Nca³s⁷a⁴ xi³ cja⁴⁷ai¹
 ni⁴chj³in³ c⁷oa⁴-s⁷in² tsa³qui³ma³-
 jion³ je² cjoa⁴-ve⁴ jo³ cji³ma³chon³
 son³⁷nte³, jo³-s⁷in² nca³ me³-le⁴
 je² xi³ nca³jco⁴-le⁴ xi³ ya⁴ tj³in¹-
 le⁴ nca³n⁷ion¹ j³in³sen¹. Je² ni¹ xi³
 nca³jco⁴-le⁴ nai⁴² xi³ nta³j³in³ xi³
 nt⁷ai⁴-vi⁴ si¹xa¹j³in³ cho⁴ta⁴ xi³ xi¹j³in³.
³C⁷oa⁴-ti⁴s⁷in² tsa³qui³yo³coai⁴-j³in⁴
 yao³-na⁴j³in⁴ nca³ts⁷i³⁴-j³in⁴ nca³s⁷a⁴,
 jo³ tso² cjoa⁴tsjoa³-le⁴ yao³-na⁴j³in⁴.
 C⁷oa⁴qui³n⁷iain²⁴-j³in⁴ to⁴jo³-s⁷in²
 coan³me³-le⁴ yao³-na⁴j³in⁴ cao⁴
 cjoa⁴fa⁷ai³tsjen³-na⁴j³in⁴. To⁴xa¹ cjoan³
 ni¹⁴j³in⁴ cho⁴ta⁴ xi³ s⁷e⁴-le⁴ cjoa⁴n⁷ain³,
 jo³-ni³ tsa² xi³c⁷a³. ⁴To⁴nca³
 Ni³na¹, nca⁴ c⁷oa⁴-s⁷in² to⁴tse³
 cjoa⁴ma⁴ta³con² tj³in¹-le⁴, cjai¹nca³
 n⁷ion¹ coan³tsjoa³que³-na¹. ⁵Nta³ tsa²
 ña¹ xi³ jo³-ni³ tsa² xi³ ti³yo³c⁷en³² xi³
 to⁴t⁷a³ts⁷e⁴ cjoa⁴ts⁷en⁴-na¹, to⁴jnc³
 cao⁴ Cristo qui³si³c⁷⁷e¹yo³con³-na¹.
 To⁴t⁷a³ts⁷e⁴ cjoa⁴nta³-le⁴ ji²tjo⁴ntjai²-

nio³. ⁶To⁴jnc³ qui³si³cja³⁷a¹ya³-na¹, c⁷oa⁴-ti⁴s⁷in² qui³si³ca³tio²t⁷a³-na¹ ya⁴nc⁷a³jmi³ cao⁴ Cristo Jesús, ⁷jme¹-ni³ nca³ je² ni⁴čhjin³ xi³ nčhoa¹-sa³coa⁴co²-si¹ni³ je² cjoa⁴nta³-le⁴ xi³li² to⁴jo³ xi³ cji³tse³, nca³ c⁷oa⁴-s⁷in² qui³s⁷e³-le⁴ cjoa⁴ma⁴ta³con² t⁷a³tsan⁴²nca³ ti³yo³coa⁴² Cristo Jesús.

⁸To⁴t⁷a³ts⁷e⁴ cjoa⁴nta³ ji²tjo⁴ntjai²-nio³ nca³ ma³cjain¹-no³. A³li² je²-jin² xi³ tsaon⁴³ je²-vi⁴, nca⁴ cjoa⁴tjao² ni¹ xi³ Ni³na¹ tsjoa¹. ⁹A³li² t⁷a³ts⁷e⁴ xa¹-jin², jme¹-ni³ nca³ ni⁴to⁴⁷ya³-jin² xi³ c⁷oa⁴sje³je³ya³-si¹ni³ yao³-le⁴. ¹⁰Nca⁴ ña¹ nia¹ xa¹-le⁴ Ni³na¹. Ni³na¹ c⁷oa⁴-s⁷in² qui³si³nta³-na¹ nca³ ti³yo³coa⁴² Cristo Jesús, jme¹-ni³ nca³ nta³ si⁴xa¹-nia³² jña³-le⁴ xi³ Ni³na¹ to⁴nqui³-ni³ tsa³c⁷e¹nta³ nca³ c⁷oa⁴-s⁷in² coi⁴ma³coa⁴² cjoa⁴-vi⁴.

To⁴t⁷a³ts⁷e⁴ cro² qui³ni²cjao²nta³-nia³²

¹¹Xi³ coi³, jon² xi³ cho⁴ta⁴ xi³ li² judío-jin² jo³ cjoan³ yao³-no³, cho⁴ta⁴ xi³ tsi² ts⁷e⁴ cjoa⁴circuncisión tsa³c⁷in²-no³. C⁷oa⁴qui³ts⁷o²-no³ je² cho⁴ta⁴ xi³ ts⁷e⁴ cjoa⁴circuncisión xi³ je² ntsja³ cho⁴ta⁴ si¹nta³-ni³ yao³-le⁴. ¹²Ti⁴cja³⁷ai³tsjen³jion³ jo³-s⁷in² nca³s⁷a⁴ li²jme³ xi³ qui³s⁷e³-no³ t⁷a³ts⁷e⁴ Cristo. T⁷a³xin² tsa³qui³yo³-lao⁴³ na⁴xi⁴na³nta¹-le⁴ Israel. Cho⁴ta⁴cja⁴⁷ai¹ nio¹³ nca³ tsi² coan³-no³ nte³ t⁷a³ts⁷e⁴ je² cjoa⁴ xi³ qui³s⁷e³n⁷ion¹ xi³ Ni³na¹ qui³si³s⁷e³nqui³. Li²jme³ xi³ qui³cho²ya³-lao⁴³ nca³ tsa³qui³yo³t⁷a³xin²-lao⁴³ Ni³na¹ i⁴ son³⁷nte³-vi⁴. ¹³Nca⁴ ti³yo³cao⁴³ Cristo jon² xi³ nca³s⁷a⁴ cjai¹nca³ cjin³ ti³yo³, nt⁷ai⁴-vi⁴ je³coan³čhian³t⁷ao³ xi³ to⁴t⁷a³ts⁷e⁴ njin¹-le⁴ Cristo. ¹⁴Ti⁴je²-ni³ xi³

qui³si³qui³njen³nch⁷an¹ cjoa⁴t⁷a³tsan⁴². To⁴jnc³ qui³s⁷in³-na¹ nca³ joa³². Qui³si³qui³xo²ya³čhja¹ xi³ jao²ya³ ma³-ni³na¹, xi³ coi³ cjoa⁴co²ntran⁴. ¹⁵Cao⁴ yao³-le⁴ tsa³cja³⁷a¹xin² je² cjoa⁴co²ntran⁴, c⁷oa⁴ je² cjoa⁴te¹xo³ma³ xi³v⁷e¹ne². Qui³si³nta³ya³cho⁴tse⁴ nca³ to⁴jnc³ coan³ nca³ jao² nca³ tjio¹cao⁴ Cristo. C⁷oa⁴-s⁷in² qui³si³qui³njen³nch⁷an¹j¹in³-le⁴.

¹⁶To⁴t⁷a³ts⁷e⁴ cro² Cristo qui³si³cjao²nta³-ni³ Ni³na¹cao⁴ xi³ jao²ya³ cho⁴ta⁴, nca³ to⁴jnc³ yao³ coan³ nca³ jao². Ti⁴ya⁴ t⁷a³cro² qui³si³cha³j¹in³-ni³ cjoa⁴co²ntran⁴. ¹⁷Ja³⁷ai³ Jesús, qui³nchja⁴ya³ cjoa⁴ xi³ nch⁷an¹tjin¹. Qui³nchja⁴ya³j¹in³-no³ nca³ jon² xi³ cjin³ ti³yo³, c⁷oa⁴cao⁴ je² xi³čhian³ tjio¹. ¹⁸To⁴t⁷a³ts⁷e⁴-ni¹ ña¹ nca³ joa³² tj¹in¹-na¹ nte³ nca³ cjo¹cho³chon³-le⁴² N⁷ai³-na¹ xi³ to⁴t⁷a³ts⁷e⁴ to⁴jnc³ Espíritu Santo. ¹⁹A³li²coi³ ti⁴cho⁴ta⁴cja⁴⁷ai¹-nio³, ni⁴to⁴ti³ma³-jion²³. To⁴jnc³ na⁴xi⁴na³nta¹ v⁷a³cao⁴-no³cao⁴cho⁴ta⁴-le⁴ Cristo, c⁷oa⁴ xi²nqui⁴mao³ cho⁴ta⁴-le⁴ Ni³na¹. ²⁰C⁷oa⁴-s⁷in² jon² qui³s⁷e³yo³son²nc⁷ao³ je²čhja¹ja⁴ma⁴ xi³ je² pa²stro⁴cao⁴ xi³ qui³nchja⁴ya³ t⁷a³ts⁷e⁴ Ni³na¹. Je² lao⁴ xi³ ti¹tjon² ti¹jna³ ya⁴ xi⁴nqui⁴-le⁴, ti⁴je²-ni³ Jesucristo. ²¹Jo³-s⁷in² cjo³⁷ncho²-le⁴ xi¹ncjin¹ xi⁴⁷nte⁴, c⁷oa⁴ tjio¹cjao²n⁷ion¹, c⁷oa⁴-s⁷in² ti¹mi³ jnc³ yo⁴nc⁴ xi³ tsje³. C⁷oa⁴ti⁴s⁷in²ni³ ti³yo³cjao³cao⁴³ Nai³-na¹. ²²C⁷oa⁴-ti⁴ jon², nca³ ti³yo³cao⁴³ Nai³-na¹, c⁷oa⁴-ti⁴s⁷in² s⁷e⁴cjao³n⁷ion¹cao⁴ xi²nquio⁴³, jme¹-ni³ nca³ nt⁷ia³-le⁴ Ni³na¹ coan⁴-si¹nio³ to⁴t⁷a³ts⁷e⁴ je² Espíritu Santo.

Je² xa¹ xi³ qui³s⁷e³ne²-le⁴ Pablo xi³
t⁷a³ts⁷e⁴ cho⁴ta⁴ xi³ li² judío-jin²

3 Coi³ cjoa⁴ nca³ an³ Pablo, xi³
cjoa⁴n⁷ain³ ti²jna⁴ t⁷a³ts⁷e⁴
Cristo xi³ to⁴t⁷a³tsaon⁴³ jon² xi³
cho⁴ta⁴ xi³ li² judío-jion²³. ²C⁷oa⁴-
s⁷in² qui³no²⁷yao²³ nca³ xa¹
qui³s⁷e³ne²-na³ nca³ an³ xi³ t⁷a³ts⁷e⁴
je² cjoa⁴nta³-le⁴ Ni³na¹ xi³ qui³ts⁷ai²-
na³ xi³ t⁷a³tsaon⁴³, ³jo³-s⁷in² nca³
Ni³na¹ tsa³ca³co¹son²tsen³-na³ je²
cjoa⁴ xi³ tji¹⁷ma³, jo³-s⁷in² nca³
je³qui³squia³-vi⁴ nca³ to⁴choa³
en¹ qui³si³chjen¹³. ⁴C⁷ia⁴ nca³
c⁷oe¹xquia⁴³ je²-vi⁴, c⁷oa⁴²-s⁷in²
jchao⁴³ jo³-s⁷in² ma³cho⁴ya³-na³
t⁷a³ts⁷e⁴ je² cjoa⁴⁷ma³ xi³ t⁷a³ts⁷e⁴
Cristo. ⁵Je² xi³ cja⁴⁷ai¹ ni⁴chjin³
Ni³na¹ li²coi³ tsa³ca³co¹-le⁴ ni⁴jnc³-
jin² cho⁴ta⁴son³⁷nte je² cjoa⁴⁷ma³,
jo³-s⁷in² nt⁷ai⁴-vi⁴ xi³ to⁴t⁷a³ts⁷e⁴ je²
Espíritu Santo tsa³ca³co¹son²tsen³-
le⁴ je² pa²stro⁴-le⁴ xi³ tsje³ cao⁴ je²
xi³ qui³nchja⁴ya³ t⁷a³ts⁷e⁴. ⁶Coi³
xi³ cjoa⁴⁷ma³-vi⁴: Je² cho⁴ta⁴ xi³
li² judío-jin² c⁷oa⁴-s⁷in² to⁴jnc³
s⁷e³-le⁴ je² cjoa⁴tjao² je²-vi⁴, c⁷oa⁴
to⁴jnc³ yao³-le⁴ xi³ncjin¹. To⁴jnc³
qui³ni²s⁷e³nqui³-le⁴ nca³ tjio¹cao⁴
Cristo xi³ to⁴t⁷a³ts⁷e⁴ je² en¹nta³
t⁷a³ts⁷e⁴ Cristo. ⁷Qui³ts⁷ai²-na³
nca³ si³xa¹³-le⁴ xi³ coi³ en¹nta³
t⁷a³ts⁷e⁴ Cristo, jo³-s⁷in² Ni³na¹
qui³tsjoa³cjoa⁴tjao²-na³ cjoa⁴nta³-
le⁴ nca³ si¹xa¹ je² nca³n⁷ion¹-le⁴.
⁸Je² xi³ nqui²sa⁴-sa³ na³nqui³
tjio¹ xi³ cho⁴ta⁴-le⁴ Cristo, an³ xi³
nqui²sa⁴-sa³ n⁷ion¹ na³nqui³ ti²jna⁴-
le⁴. An³ tsa³c⁷ai²-na³ cjoa⁴nta³-vi⁴
nca³ c⁷oa⁴-s⁷in² coi³nchja²ya³j³in³-le⁴
cho⁴ta⁴ xi³ li² judío-jin² je² en¹nta³
t⁷a³ts⁷e⁴ je² cjoa⁴nta³ xi³ tj¹in¹-le⁴

Cristo xi³ li²coi³ coan⁴ jcha⁴yi³je³.
⁹An³ si³⁷i³sen³-le⁴ nca³ts⁷i³ jo³-
s⁷in² nca³ Ni³na¹ xa¹ tsa³c⁷e¹nta³-ni³
xi³ c⁷oa⁴-s⁷in² tsa³c⁷e¹jna³⁷ma³ jo³
sa³⁷nta³ to²ts⁷in³-le⁴ cjoa⁴. Ni³na¹
tsa³c⁷e¹nta³ nca³yi³je³ xi³ tj¹in¹
son³⁷nte³. ¹⁰C⁷oa⁴ coan³ jme¹-ni³
nca³ je² na⁴xi⁴na³nta¹-le⁴ Cristo
coa⁴co²ya³-si¹ni³le⁴ nt⁷ai⁴-vi⁴ je² xi³
tj¹in¹-le⁴ xa¹ti¹tjon² cao⁴ xi³ tj¹in¹-le⁴
nca³n⁷ion¹ ya⁴ nc⁷a³jmi³. Cao⁴co²ya³-
le⁴ je² cjoa⁴⁷i³sen³ta³con²-le⁴ Ni³na¹
xi³ cjai¹ ncjin² jco⁴ya³ tj¹in¹. ¹¹C⁷oa⁴-
s⁷in² tj¹in¹nta³ cjoa⁴fa³⁷ai³tsjen³-le⁴
Ni³na¹ nca³ntsjai², nca³ c⁷oa⁴-
s⁷in² tsa³c⁷e¹nta³ xi³ to⁴t⁷a³ts⁷e⁴
Cristo Jesús Nai³-na¹. ¹²C⁷ia⁴
nca³ ti³yo³coa⁴² Cristo cjai¹nca³
nta³ n⁷ion¹-ta³coan³², c⁷oa⁴ coan⁴
coi⁴tja¹s⁷en³² nca³ li²jme³ xi³
xcon¹ coan⁴-na¹, nca⁴ ma³cjain¹-
na¹ t⁷a³ts⁷e⁴ nca³ je². ¹³Coi³ cjoa⁴
nca³ si³je¹³-no³, a³li² ni²⁷i³nta³-jion²
ni⁴ma⁴-no³ xi³ to⁴t⁷a³ts⁷e⁴ jñã³-le⁴
cjoa⁴n⁷ain³ xi³ an³ ti²fa²⁷a⁴toa³ xi³
t⁷a³tsaon⁴³. Je² cjoa⁴n⁷ain³-na⁴ xi³
c⁷oa⁴sje³je³ya³-no³.

**Pablo v⁷e¹ts⁷oa³ nca³ n⁷ion¹
coa⁴tio⁴cao⁴ cjoa⁴tjao²cha³**

¹⁴Coi³ cjoa⁴ va²sen⁴xco¹nch⁷in³t⁷a³-
le⁴ nca³ v⁷e³ts⁷oa²³-le⁴ N⁷ai³-le⁴ je²
Nai³-na¹ Jesucristo. ¹⁵Xi³ to⁴t⁷a³ts⁷e⁴
N⁷ai³-na¹ nca³ts⁷i³ xi¹ncjin¹ ma³
ya⁴ nc⁷a³jmi³ cao⁴ i⁴ son³⁷nte³.
¹⁶C⁷oa⁴-s⁷in² to⁴t⁷a³ts⁷e⁴ je² Espiritu
Santo-le⁴ ca²ta³tsjoa¹j³in³ ni⁴ma⁴-
no³ xi³ tse³ nca³n⁷ion¹, jo³-s⁷in² nca³
n⁷ion¹ tse³ cjoa⁴je³ya³-le⁴. ¹⁷Nta³
ca²ta³v⁷e²jna³j³in³ ni⁴ma⁴-no³ Cristo
nca³ ma³cjain¹-no³. V⁷e³ts⁷oa²³
nca³ n⁷ion¹ coi⁴yo³cao⁴³ nca³
n⁷ion¹t⁷a³ coan⁴³ cjoa⁴tjao²cha³,

18 jme¹-ni³ nca³ c²oa⁴-s²in² s²e⁴-
 si¹ni³no³ nca³n²ion¹ nca³ ña³qui³
 nta³ coan⁴cho⁴ya³-si¹ni³no³ cao⁴
 nca³ts²i³ cho⁴ta⁴-le⁴ Cristo jo³
 cji³ cjoa⁴tjao²cha³-le⁴ Cristo, jo³
 cji³ te³ya³, jo³ cji³ nto³, jo³ cji³
 na⁴nca⁴, jo³ cji³ nc²a³. 19 C²oa⁴-s²in²
 jcha⁴-nio¹³ je² cjoa⁴tjao²cha³-le⁴
 Cristo, xi³ ña³qui³ fa³⁷a³ti¹tjon²-
 le⁴ nca³yi³je³ cjoa⁴fa³⁷ai³tsjen³,
 jme¹-ni³ nca³ jtse¹jjin³-si¹ni³no³
 nca³yi³je³ xi³ ts²e⁴ Ni³na¹. 20 Ni³na¹
 nqui²sa⁴ to⁴tse³ ma³-le⁴ s²in²
 nca³yi³je³ cjoa⁴ jo³ cji³ xi³ ni²je¹,
 jo³-s²in² fa³⁷ai³tsjen³-na¹, to⁴t²a³ts²e⁴
 je² nca³n²ion¹ xi³ si¹xa¹jjin³-na¹.
 21 Je² ca²ta³vi³tjo³je³ya³ ya⁴jjin³-
 le⁴ na⁴xi⁴na³nta¹-le⁴ Cristo xi³
 to⁴t²a³ts²e⁴ Cristo Jesús, to⁴jo³ tjin¹
 ni⁴chjin³ nca³ntsjai² nca³ntsjai².
 C²oa⁴ ca²ta³ma³.

Je² Espíritu Santo v²e¹cjao²-na¹

4 An³ xi³ ti²jna⁴ cjoa⁴ñ²ain³
 xi³ ti²jna⁴coa⁴ je² Nai³-na¹,
 v²e³ts²oa²³-no³ nca³ coi⁴mao³ jo³-s²in²
 ma³chjen¹ je² xa¹ xi³ qui³no²cjoa⁴-
 no³, 2 cao⁴ cjoa⁴yo⁴ma⁴ cjia³ta³con²³,
 cao⁴ cjoa⁴nt²e¹, cao⁴ cjoa⁴ts²e³ta³con²,
 Ti⁴cjain¹-lao⁴³ xi³nqui⁴³ nca³
 tjao²chao³. 3 Ti⁴xi¹ti¹ya³-lao⁴³ yao³-
 no³ nca³ to⁴jnc³ ti⁴yo³cjao³ nca³
 nch²an¹ ti³yo³, nca³ je² Espíritu
 Santo tsa³c²e¹cjao³-no³. 4 Jnc³
 yao³ tjin¹. Jnc³ Espíritu Santo
 tjin¹, jo³-s²in² nca³ c²oa⁴-ti⁴
 qui³no²cjoa⁴-no³ xi³ t²a³ts²e⁴ jnc³
 cjoa⁴cho³ya²cao⁴cjoa⁴ xi³ qui³s²e³-
 no³ nca³ qui³no²cjoa⁴-no³. 5 Jnc³
 Nai³-na¹ tjin¹, jnc³ jo³-s²in² nca³
 ma³cjain¹-na¹, jnc³ cjoa⁴sa³te²nta¹,
 6 jnc³ Ni³na¹, c²oa⁴ N²ai³-le⁴
 nca³ts²i³, je² xi³ ti¹jna³ti¹tjon²-le⁴

nca³ts²i³, xi³ ti¹jna³cao⁴ nca³ts²i³,
 xi³ ti¹jna³jjin³ ni⁴ma⁴-le⁴ nca³ts²i³.
 7 To⁴nca³ nca³ jnc³o¹jnc³o¹ tsa³c²ai²-
 na¹ cjoa⁴nta³ jo³-s²in² choa⁴-le⁴
 Cristo xi³ tsjoa¹cjoa⁴tjao²-na¹. 8 Je²
 Ni³na¹ c²oi⁴qui³tso²: Ncjin² ma³-ni³
 xi³ tjio¹t²a³n²ion¹ xi³ qui³cao⁴ c²ia⁴
 nca³ qui³mi³nc²a³, c²oa⁴ qui³tsjoa³-
 le⁴ cjoa⁴tjao² cho⁴ta⁴son³⁷nte³.
 9 Xi³ qui³mi³nc²a³, jo¹ tso²-ni³le⁴
 tsa² tsi² ji³tjo³jen³ ya⁴ ʔnte³ xi³
 nqui²sa⁴ na³nqui³ xi³ ts²e⁴ son³⁷nte³.
 10 Je² xi³ ji³tjo³jen³, ti⁴je²-ni³ xi³
 ja³⁷a³to³-sa³le⁴ nc²a³jmi³ nca³
 qui³mi³nc²a³, jme¹-ni³ nca³ c²oa⁴-s²in²
 si⁴²jnc³si¹ni³-le⁴ nca³yi³je³ cjoa⁴.
 11 Ti⁴je²-ni³ xi³ qui³tsjoa³-le⁴ c²a³
 nca³ pa²stro⁴ ma³, c²oa⁴ xi³c²a³ nca³
 v²e¹ma³ nchja⁴ya³, c²oa⁴ xi³c²a³ nca³
 v²e¹ma³son² nca³ tso²ya³ t²a³ts²e⁴
 Ni³na¹, c²oa⁴ xi³c²a³ nca³ pastor ma³,
 c²oa⁴ nca³ maestro ma³. 12 C²oa⁴-
 s²in² coan³ jme¹-ni³ nca³ cho⁴ta⁴-le⁴
 Cristo nta³ coa⁴tio⁴-si¹ni³ t²a³ts²e⁴
 xa¹-le⁴ nca³ si⁴²xa¹-le⁴ Ni³na¹. C²oa⁴-
 s²in² je² yao³-le⁴ Cristo coin⁴nc²a³.
 13 Sa³⁷nta³ nca³ cjo¹choa³² nca³
 to⁴jnc³ coan⁴-nia¹ nca³ts²ia³²
 jo³-s²in² coan⁴cjain¹-na¹, jo³-s²in²
 jcha⁴xcoan³² je² ʔnti¹-le⁴ Ni³na¹,
 nca³ cjo⁴ coan⁴nca³-na¹ jo³-ni³
 tsa² jnc³ cho⁴ta⁴jchi¹nca³, jo³
 sa³⁷nta³ cjo¹choa³² choa⁴ nca³ c²oa⁴
 coan⁴ cjoan³² jo³ cjoan³ Cristo.
 14 A³li² ti⁴c²oa⁴ s²ian⁴²-nia³ jo³-
 ni³ tsa² ʔnti¹x²ti³ xi³ si¹c²o¹fa³ya³
 cjoa⁴fa³⁷ai³tsjen³-le⁴, xi³ jo³-ni³
 tsa² ntjao⁴ xi³ tjen⁴ nca³ i⁴ nca³
 jan¹, xi³ to⁴fi²tjen⁴nqui³-le⁴ xi³
 to⁴cja⁴⁷ai¹ cjoa⁴fa³⁷ai³tsjen³, xi³
 to⁴cjoa⁴ma²ña⁴-le⁴ cho⁴ta⁴son³⁷nte³,
 xi³ v²a³na⁴cha⁴ cao⁴ je² xi³ tsi²
 tsa² coi³ nta³ tjin¹, xi³ fi²cao⁴

t²a³xin² j^ña³-le⁴ xi³ cjoa⁴qui²xi⁴.
 15 To⁴sa³ cjoin³tjen⁴nqui³-le⁴² xi³
 cjoa⁴qui²xi⁴ cao⁴ cjoa⁴tjao²cha³.
 C⁷oa⁴-s⁷in² ca²ta³ma³jcha¹j^ña³-na¹
 nca³yi³je³ cjoa⁴ xi³ t²a³ts⁷e⁴ nca³ je²
 xi³ jcoa³² ma³, xi³ je² Cristo. 16 Xi³
 to⁴t²a³ts⁷e⁴ Cristo nca³yi³je³ yao³-le⁴
 c⁷oa⁴-s⁷in² ma³y⁷ai³ ma³nc⁷a³ cao⁴
 cjoa⁴tjao²cha³, nca³ je³nta³ tjio¹cjao³
 nca³qui³jnta² j^ña³ nca³ xco¹-le⁴.
 C⁷oa⁴-s⁷in² tj^ña³-le⁴ nca³n⁷ion¹ jo³-
 s⁷in² nca³ nta³ si¹xa¹ jnco¹jnco¹ c⁷a³
 xi³ ts⁷e⁴ yao³-le⁴.

Cristo si¹cho⁴tse⁴ya³-na¹

17 Je²-vi⁴ xi³ c⁷oa⁴xian³, c⁷oa⁴
 v⁷e³ne²³ t²a³ts⁷e⁴ Nai³-na¹, nca³
 tsi² tsa² ti⁴coi⁴ma³-nio³ jo³-ni³
 xi³c⁷a³ cho⁴ta⁴ xi³ li² judío-jin²,
 xi³ tjio¹ma³cao⁴ cjoa⁴fa³⁷ai³tsjen³-
 le⁴ xi³ tsi²jme³ chj¹-le⁴. 18 To⁴njon²
 tjio¹ cjoa⁴fa³⁷ai³tsjen³-le⁴.
 Cjai¹nca³ to⁴t²a³xin² tjio¹-
 le⁴ cjoa⁴vi³jna³chon³-le⁴ Ni³na¹
 nca⁴ c⁷oa⁴-s⁷in² to⁴cjoa⁴njon²
 tj^ña³-le⁴, c⁷oa⁴ nca⁴ cjai¹nca³
 xi¹j^ña³ ni⁴ma⁴-le⁴. 19 Coan³scan³-
 ni³ nca³ je³qui³si³cha³j^ña³
 cjoa⁴fa³⁷ai³tsjen³nta³-le⁴, to⁴c⁷oa⁴-
 s⁷in² qui³sca³ni¹taon³ yao³-le⁴ nca³
 to⁴cho⁴ta⁴cjoa⁴soa³ coan³. To⁴t²a³ts⁷e⁴
 cjoa⁴xin²ta³con²-le⁴ c⁷oa⁴qui³s⁷in² jo³
 tj^ña³ jco⁴ya³ cjoa⁴jnti¹. 20 To⁴nca³ li²coi³
 c⁷oa⁴-s⁷in² qui³cho²t²a³yao³ t²a³ts⁷e⁴
 Cristo. 21 A³ tsi² tsa³ cjoa⁴qui²xi⁴ nca³
 qui³no²⁷yao²³ t²a³ts⁷e⁴ Cristo, nca³
 tsa³qui³yo³cao⁴³ nca³ qui³cho²t²a³yao³
 jo³-s⁷in² nca³ cjoa⁴qui²xi⁴ xi³ tj^ña³
 t²a³ts⁷e⁴ Cristo. 22 Chja⁴⁷a²xin²-lao⁴³
 yao³-no³ je² ni⁴ma⁴-no³ xi³ jchi¹nca³
 xi³ cjai¹nca³ to⁴coan³nca³-le⁴ cjoa⁴
 xi³ ch⁷ao³ tj^ña³ jo³ tso² cjoa⁴tsjoa³-le⁴
 yao³-no³ xi³ to⁴v⁷a³na⁴cha⁴, jo³-s⁷in²

tsa³nquin¹cao⁴³ yao³-no³ nca³s⁷a⁴.
 23 C⁷oa⁴-s⁷in² ca²ta³ma³cho⁴tse⁴ya³
 jo³ tj^ña³ cjoa⁴fa³⁷ai³tsjen³-no³.
 24 Chjoao¹³ je² ni⁴ma⁴-no³ xi³
 cho⁴tse⁴, xi³ nco³ya³-le⁴ Ni³na¹
 qui³s⁷e³nta³-ni³ cao⁴ xi³ tj^ña³-le⁴
 cjoa⁴qui²xi⁴ c⁷oa⁴ cao⁴ xi³ ña³qui³
 tsje³. 25 Coi³ nca³ qui³chja³⁷a²xion²³
 cjoa⁴nti³so³, cho⁴va²cao⁴³ xi²nquo⁴³
 xi³ cjoa⁴qui²xi⁴, nca³ to⁴jnc³o³ tj^ña³cjao³
 yao³-na¹ nca³ts⁷ia³². 26 Nta³ tsa²
 ma³jti³-no³, a³li² je¹-jin² vi³jncho³.
 A³li² jti³-jin² ma³-no³ jo³ sa³⁷nta³
 nca³ ca²ntjai² ts⁷oi¹. 27 Ni⁴ v⁷ai²⁷nte³-
 jin²lao⁴³ nai⁴². 28 Je² xi³ qui³si³che¹,
 a³li² ti⁴si¹che¹-jin²ni³. To⁴sa³
 ca²ta³si¹xa¹, c⁷oa⁴-s⁷in² ca²ta³si¹xa¹-
 ni³ ntsja³ xi³ nta³ tj^ña³, jme¹-ni³
 nca³ s⁷e⁴-si¹ni³le⁴ xi³ tsjoa¹-le⁴ xi³
 tsi²jme³ tj^ña³-le⁴. 29 Ni⁴to⁴jnc³-
 jin² en¹ xi³ ch⁷ao³ tso² n⁷o¹sje³-nio³
 ntso⁴⁷vao³, to⁴je² en¹ xi³ nta³ tj^ña³
 xi³ coi⁴ncha³cao⁴, xi³ ma³chjen¹-le⁴,
 jme¹-ni³ nca³ c⁷oa⁴-s⁷in² tsjoa¹-si¹ni³le⁴
 cjoa⁴nta³ je² xi³ nch⁷oe¹. 30 A³li²
 c⁷oa⁴-jin²s⁷in² ni²va³-jin²lao⁴³ je²
 Espíritu Santo xi³ ts⁷e⁴ Ni³na¹, xi³
 tsa³ca³sen¹choa⁴-no³ t²a³ts⁷e⁴ c⁷ia⁴
 ni⁴chjin³ nca³ coan⁴chji¹ntjao²³.
 31 Nca³yi³je³ cjoa⁴j^ñcha³, cjoa⁴jti³,
 cjoa⁴jti³cha³, xi³ n⁷ion¹ nchja⁴ti³, cao⁴
 xi³ nchja⁴⁷aon³, ca²ta³tjo³xin²-no³,
 cao⁴ nca³yi³je³ cjoa⁴ts⁷en⁴. 32 To⁴sa³
 nta³ ti⁴cao⁴³ xi²nquo⁴³. Ca²ta³s⁷e³-
 no³ cjoa⁴ma⁴ta³con². Ti⁴cha³t²a³-lao⁴³
 xi²nquo⁴³, jo³-s⁷in² nca³ Ni³na¹
 qui³si³cha³t²a³-no³ nca³ ti³yo³cao⁴³
 Cristo.

Coi⁴ma³² jo³-ni³ tsa² nti¹-
 le⁴ Ni³na¹ xi³ i³sen³-le⁴

5 Chjen²nqui³-lao⁴³ Ni³na¹,
 jo³-ni³ tsa² nti¹ xi³ cjai¹nca³

tjao²cha³. ²Cao⁴ cjoa⁴tjao²cha³ ti⁴ma³cao⁴³ xi²nquo⁴³, jo³-s'in² Cristo coan³tsjoa³que³-na¹, qui³tsjoa³ntjai²-na¹ yao³-le⁴, jo³-ni³ jnco³ cjoa⁴tjao², c'oa⁴ jo³-ni³ xi³ qui³ts'ai²ntjai²-na¹ xi³ na³sca¹njen⁴ nqui³xcon⁴ Ni³na¹. ³A³li² ni²c'a³xqui⁴j³in³-jion²³ xi²nquo⁴³ ni⁴i⁴tse¹-jin² cjoa⁴cha³jnqui³, ni⁴nca³yi³je³ xi³ n'ion¹ ch'ao³ tj³in¹, ni⁴cjoa⁴xin²ta³con²-jin². Je² cjoa⁴-vi⁴li²coi³ ntia⁴² squen¹-le⁴ cho⁴ta⁴-le⁴ Cristo. ⁴Ni⁴ je²-jin² en¹ts'en⁴ no²cjoa⁴³, ni⁴ en¹chi⁴con¹-jin², ni⁴ en¹ntsjen¹⁷a³-jin², xi³ tsi² tsa² va³quin²-no³, to⁴sa³ t'ao²³ cjoa⁴nta³. ⁵Je³yao³ je²-vi⁴, nca³ ni⁴jnco³-jin² cho⁴ta⁴cha³jnqui³, ni⁴jnco³-jin² xi³ cjoa⁴jnti¹ tjio¹ma³s'in¹, ni⁴jnco³-jin² xi³ xin²con³, xi³ ma³nc¹son² xi³ xco¹son² ve³xcon¹, ni⁴jnco³-jin² tj³in¹-le⁴ 'nte³ ya⁴ cjoa⁴te¹xo³ma³-le⁴ Cristo cao⁴ Ni³na¹. ⁶Ni⁴to⁴⁷ya³-jin² xi³ ca²ta³v'a³na⁴cha⁴-no³ cao⁴ xi³ to⁴xquia⁴ en¹. Xi³ to⁴coi³ cjoa⁴-vi⁴ n'choa¹ne²-le⁴ cjoa⁴jti³-le⁴ Ni³na¹ je² cho⁴ta⁴ xi³ xi¹j³in³. ⁷A³li² ya⁴-jin² ña³tjen⁴ mai¹cao⁴³ nca³ je². ⁸Nca³s'a⁴ njion² nio¹³, to⁴nca³ n't'ai⁴-vi⁴ntai⁴ je³i³saon³ nca³ ti³yo³cao⁴³ je² Nai³-na¹. Ti⁴mao³ jo³-ni³ tsa² 'nti¹-le⁴ xi³ i³sen³-le⁴. ⁹(Je² Espiritu Santo tsjoa¹ntje⁴j³in³ ni⁴ma⁴-na¹ je² xi³ cjoa⁴nta³, xi³ tj³in¹-le⁴ cjoa⁴qui²xi⁴, c'oa⁴ je² xi³ ña³qui³ c'oa⁴tj³in¹.) ¹⁰Cho¹t'ao³ je² xi³ sa³sen¹con³ Nai³-na¹. ¹¹A³li² c'oa⁴-jin²s'in² n'iaon²³ je² xa¹ xi³ tsi² coan⁴ntje⁴-no³, xi³ to⁴ts'e⁴ cjoa⁴njon², to⁴sa³ ta⁴co²son²tsaon⁴³. ¹²Cjai¹nca³ to⁴ch'ao³ tj³in¹, nta³ tsa² to⁴coi⁴no²cjoa⁴³ xi³ t'a³ts'e⁴ je² xi³ to⁴cjoa⁴⁷ma³ s'in¹. ¹³Nca³yi³je³ je² cjoa⁴ xi³ va³tio²son²tsen³,

c'oa⁴-s'in² sa³tio²son²tsen³ cao⁴ l'i¹. Je² nca³yi³je³ xi³ c'oa⁴-s'in² va³tio²son²tsen³, i³sen³ jo³-ni³ tsa² l'i¹. ¹⁴Xi³ coi³ c'oi⁴tso²: Ti⁴cja³⁷a¹-lai⁴ yao³-li⁴, j³i³ xi³ ti³so³jna³fai³. Ti²so⁴tjen⁴j³in³-lai⁴ c'en³, c'oa⁴-s'in² si⁴²⁷i³sen³-li² Cristo. ¹⁵Cho¹tsaon³, tso²c'oa⁴, nca³ qui²xi⁴ ti⁴mao³, a³li² jo³-ni³ cho⁴ta⁴ xi³ tsin²-le⁴ cjoa⁴fa³⁷ai³tsjen³-jin², to⁴nca³ jo³-ni³ cho⁴ta⁴ xi³ tj³in¹-le⁴ cjoa⁴fa³⁷ai³tsjen³. ¹⁶A³li² ni⁴chj³in³-jin² ni²cha³-lao⁴³ yao³-no³, nca³ je² ni⁴chj³in³ cjai¹nca³ to⁴ch'ao³ chon³. ¹⁷Xi³ coi³, a³li² chi⁴con¹-jin² mao³, to⁴nca³ ca²ta³ma³cho⁴ya³-no³ jo³-s'in² nca³ me³-le⁴ Nai³-na¹. ¹⁸A³li² yao³-no³j³in² ni²ch'i⁴-nio³ vino, nca³ c'oa⁴-s'in² si¹qui³xo²ya³-ni³ cjoa⁴, to⁴nca³ ca²ta³tse³j³in³ ni⁴ma⁴-no³ je² Espiritu Santo. ¹⁹Chja⁴cao⁴³ xi²nquo⁴³ je² en¹-le⁴ Ni³na¹ xi³ coi⁴jntao¹³, ti⁴jnta¹-lao⁴³ je² xi³ v'a³sje³je³ya³ Ni³na¹, ti⁴jntao¹³ ja⁴j³in³ ni⁴ma⁴-no³. Ti⁴jnta¹-lao⁴³, c'oa⁴ ch'a⁴sje³je³yao³ je² Nai³-na¹ ja⁴j³in³ ni⁴ma⁴-no³. ²⁰Nca³ntsjai² nca³yi³je³ t'ai²-lao⁴³ cjoa⁴nta³ Ni³na¹ N'ai³-na¹ xi³ to⁴t'a³ts'e⁴ jan³⁷ain¹-le⁴ Nai³-na¹ Jesucristo.

Na³nqui³ coi⁴yo³-le⁴² xi²nquia⁴²

²¹Na³nqui³ ti⁴yo³-lao⁴³ xi²nquo⁴³ nca³ jcon³ chao³ Ni³na¹. ²²Je² ya¹nchj³in¹ na³nqui³ ca²ta³va³tio²-le⁴ x'in⁴-le⁴, jo³-s'in² nca³ na³nqui³ tjio¹-le⁴ Nai³-na¹. ²³Je² x'in⁴-ve⁴ nca³jco⁴-le⁴ chjon⁴²-le⁴, jo³-s'in² nca³ Cristo nca³jco⁴-le⁴ na⁴xi⁴na³nta¹-le⁴. Je² xi³ v'a³sje³ntjai² na⁴xi⁴na³nta¹-le⁴ xi³ ti⁴je²-ni³ yao³-le⁴. ²⁴Jo³-s'in² nca³ je² na⁴xi⁴na³nta¹-le⁴ Cristo na³nqui³ tjio¹-le⁴ Cristo, c'oa⁴-ti⁴s'in²ni³

nca³ je² ya¹nchjin¹ na³nqui³ tjio¹-le⁴ x²in⁴-le⁴ nca³yi³je³. ²⁵Jon² xi³ x²ion⁴³, tsjoa³cha³ ca²ta³mao³ ya¹nchjin¹-no³, jo³-s²in² nca³ Cristo coan³tsjoa³que³ na⁴xi⁴na³nta¹-le⁴, c²oa⁴ qui³tsjoa³ntjal² yao³-le⁴ xi³ t²a³ts²e⁴, ²⁶jme¹-ni³ nca³ c²oa⁴-s²in² Cristo tsa³c²e¹jna³tjao²-si¹ni³ c²oa⁴ qui³si³tsje³-si¹ni³ na⁴xi⁴na³nta¹-le⁴, jo³-ni³ tsa² cao⁴ na³nta¹ xi³ to⁴t²a³ts²e⁴ en¹-le⁴, ²⁷jme¹-ni³ nca³ ti⁴je²-ni³ si⁴²ca³sen¹ va³sen³-si¹ni³le⁴ yao³-le⁴ jnc³ na⁴xi⁴na³nta¹ xi³ ts²e⁴ xi³ cjai¹nca³ to⁴je³ya³, xi³ tsi² tsa² coi³ je² tjin¹-le⁴, xi³ tsi² tsa² yo¹ cjoan³, ni⁴to⁴c²oa⁴cjoan³ c²oa⁴ma³-jin², jme¹-ni³ nca³ to⁴ña³qui³ tsje³ coan⁴-si¹ni³ nca³ tsi²jme³ je¹ s²e⁴-le⁴. ²⁸C²oa⁴-ti⁴s²in² xi³ x²in⁴ tsjoa³que³ ca²ta³ma³ ya¹nchjin¹-le⁴, jo³-ni³ tsa² ti⁴ts²e⁴-ni³ yao³. Je² xi³ tsjoa³que³ chjon⁴²-le⁴, ti⁴je²-ni³ yao³-le⁴ xi³ tsjoa³que³. ²⁹Ni⁴jnc³-jin² xi³ ti⁴je² taon³ ve³-ni³ yao³-le⁴. To⁴c²oa⁴s²in² si¹jcha¹, c²oa⁴ tjao²-le⁴, jo³-ni³ tsa² Cristo si¹jcha¹, c²oa⁴ tjao²-le⁴ na⁴xi⁴na³nta¹-le⁴. ³⁰Nca³ ña¹ tjio¹cja³-nia¹ yao³-le⁴ cao⁴ ni³nta³-le⁴. ³¹Coi³ cjoa⁴-vi⁴ nca³ je² xi³ x²in⁴ si¹ca³tio¹-ni³ n²ai³-le⁴ cao⁴ na⁴-le⁴, nca³ nta³ ti¹jna³cao⁴ chjon⁴²-le⁴. To⁴jnc³ yao³ ma³ nca³ jao². ³²Je²-vi⁴ jnc³ cjoa⁴⁷ma³ xi³ cjai¹nca³ tse³ya³, to⁴nca³ an³ c²oa⁴²xian³ xi³ t²a³ts²e⁴ Cristo, c²oa⁴ t²a³ts²e⁴ na⁴xi⁴na³nta¹-le⁴. ³³Jnc³jnc³ nca³ts²io³-vi⁴ ña³qui³ c²oa⁴-s²in² tsjoa³cha³ ca²ta³mao³ ya¹nchjin¹-no³, jo³-s²in² tsjoa³chao³ yao³-no³. Je² xi³ chjon⁴² xcon¹ ca²ta³ve³ x²in⁴-le⁴.

6 Jon² xi³ n²ti¹xtio³, ti⁴tjo³-son²-lao⁴³ xi³jcha¹-no³ nca³ ti³yo³cao⁴³ Nai³-na¹. Je²-vi⁴ xi³

nta³ tjin¹. ²Jcha⁴xcoi¹³ n²ai³-li⁴ cao⁴ na⁴-li⁴, nca³ je² xi³ ti¹tjon² cjoa⁴te¹xo³ma³ xi³ tjin¹-le⁴ xi³ si¹s²e³nqui³, ³jme¹-ni³ nca³ nta³ coi⁴jna³-si¹ni³, c²oa⁴ tse³ coan⁴-si¹ni³li² i⁴ son³⁷nte³. ⁴Jon² xi³ n²ai³mao³, a³li² ni²jti³-jin²lao⁴³ xti³-no³. To⁴c²oa⁴-s²in² ti⁴jchao¹³ nca³ sin³ nca³ nta³ coa⁴co²-lao⁴³ coa⁴co²ya³nta³-lao⁴³ cjoa⁴ xi³ tso²ya³ Ni³na¹. ⁵Jon² xi³ cho⁴⁷nta³ ma³, ti⁴tjo³son²-lao⁴³ nai³-no³ xi³ cho⁴ta⁴son³⁷nte³ cao⁴ cjoa⁴jcon³-no³ cao⁴ cjoa⁴fa³tse¹-no³, nca³ ña³qui³ nta³ tjin¹ ni⁴ma⁴-no³, jo³-ni³ tsa² Cristo ni²xa¹-lao⁴³. ⁶A³li² c²oa⁴-jin²s²in² ni²xao¹³ nqui³xcon⁴ cho⁴ta⁴, jo³-s²in² xi³ to⁴xquia⁴ si¹tsjoa³-le⁴ cho⁴ta⁴, to⁴nca³ jo³-ni³ tsa² cho⁴⁷nta³-le⁴ Cristo, to⁴cao⁴ cjoa⁴tsjoa³ c²oa⁴t⁴iaon⁴³ jo³-s²in² me³-le⁴ Ni³na¹. ⁷To⁴cao⁴ cjoa⁴nta³ ti⁴xao¹³, jo³-ni³ tsa² t²a³ts²e⁴ Nai³-na¹ Cristo, a³li²coi³ t²a³ts²e⁴ cho⁴ta⁴-jin². ⁸Nta³ yao³ nca³ jnc³o¹jnc³ nca³ je² Nai³-na¹ tsjoa¹-nca¹nca³no³ je²-vi⁴ jme³-ve⁴ xi³ nta³ s²iaon⁴³, tsa² cho⁴⁷nta³ c²oa⁴ tsa² je² xi³ nta¹ tjin¹. ⁹Jon² xi³ nai³-le⁴ ma³, c²oa⁴-ti⁴s²in²ni³ ti⁴cao⁴³ nca³ je². Ti⁴njon¹³ xi³ n²ain³ n²ian²-lao⁴³, nca³ je³⁷yao³ nca³ je² Nai³-le⁴ xi³ ts²e⁴ c²oa⁴ xi³ tsaon⁴³ ti¹jna³ nc²a³jmi³, to⁴nco¹son² fi²cao⁴ nca³ts²i³.

Je² cjoa⁴ xi³ ts²e⁴ Ni³na¹ xi³ nco³ya³-le⁴ qui⁴cha⁴ xi³ ts²e⁴ so³nta²do⁴

¹⁰Xi³ fe³t²a³, n²ti¹nts²e³, ca²ta³s²e³-no³ nca³n²ion¹ nca³ ti³yo³cao⁴³ Nai³-na¹ cao⁴ nca³yi³je³ nca³n²ion¹ xi³ tse³ tjin¹-le⁴. ¹¹Jo³-ni³ tsa² so³nta²do⁴ ti⁴nca³jon³ yao³-no³ nca³yi³je³ qui⁴cha⁴ xi³ ts²e⁴ Ni³na¹, jme¹-ni³ nca³ coan⁴-

si¹ni³ nca³ coi⁴yo³ta²ja³-lao⁴³
 cjoa⁴ma²na⁴-le⁴ je² nai⁴². ¹²Li²coi³
 cho⁴ta⁴son³⁷nte³ xi³ njin¹ xi³ yao³
 tjin¹-le⁴ xi³ coi³xcan¹coa⁴². To⁴je²
 xi³ co²ntran⁴-na¹ xi³ xa¹ti¹tjon²
 tjin¹-le⁴, xi³ cjoa⁴te¹xo³ma³
 tjin¹-le⁴, xi³ nai⁴²ti¹tjon² xi³
 nca³qui³jnta² va³te¹xo³ma³ jña³
 njion², xi³ je² nca³ts⁷i³ ntjao⁴
 xi³ ch⁷ao³ s⁷in¹ xi³ ts⁷e⁴ ja⁴nc⁷a¹.
¹³Coi³ nca³ c⁷oa⁴-s⁷in² chjoe¹-
 nio³ nca³yi³je³ qui⁴cha⁴ xi³ ts⁷e⁴
 Ni³na¹, jme¹-ni³ nca³ coi⁴yo³ta²ja³-
 si¹ni³lao⁴³ je² ni⁴chjin³ xi³
 ñ⁷ain³ tjin¹. C⁷oa⁴-s⁷in² to⁴jo³
 coi⁴yo³ta²jao³, nca³ je³c⁷oa⁴-s⁷in²
 qui³ni²jnc³ nca³yi³je³. ¹⁴C⁷oa⁴-
 s⁷in² n⁷ion¹ ti⁴yo³ntao³. Nta³
 t⁷e²cjao¹³ chjao⁴xin¹cja¹ntia³-
 no³ xi³ nco³ya³-le⁴ xi³ ña³qui³
 c⁷oa⁴tjin¹. Tja³cjao¹³ me⁴-no³
 na³jño³qui⁴cha⁴ xi³ nco³ya³-le⁴
 cjoa⁴ xi³ tjin¹-le⁴ cjoa⁴qui²xi⁴.
¹⁵Tja³yao³ ntso⁴co³ je² jte¹ xi³
 nco³ya³-le⁴ nca³ ti³yo³ntao³ xi³
 t⁷a³ts⁷e⁴ je² en¹nta³ xi³ tsjoa¹ xi³
 nch⁷an¹ tjin¹. ¹⁶Je² xi³ nqui²sa⁴
 ma³chjen¹, nca³ chjoao¹³ je²
 qui⁴cha⁴ xi³ va¹jcho³chjao²
 yao³-no³ xi³ nco³ya³-le⁴ je² xi³
 ma³cjain¹-na¹, jme¹-ni³ nca³ c⁷oa⁴-
 s⁷in² si⁴cji³ts⁷ao¹-si¹nio³ je² flecha
 xi³ ti¹ti² xi³ ts⁷e⁴ nai⁴². ¹⁷T⁷e²yao³
 jco³ je² xo³mpe³qui⁴cha⁴ xi³
 nco³ya³-le⁴ cjoa⁴vi³tjo³ntjai²-na¹,
 cao⁴ je² qui⁴cha⁴nto³ xi³ ts⁷e⁴ je²
 Espiritu Santo, xi³ nco³ya³-le⁴ je²
 en¹-le⁴ Ni³na¹. ¹⁸T⁷e²ts⁷oa³-lao⁴³
 Ni³na¹ nca³ntsjai², ti⁴je¹-lao⁴³
 cjoa⁴nta³ nca³yi³je³ xi³ to⁴t⁷a³ts⁷e⁴

je² Espiritu Santo. C⁷oa⁴-
 s⁷in² ti⁴yo³chon³⁷ntao³ to⁴jme³
 hora-ni³, nca³ v⁷e²ts⁷oa³ntjao²³
 t⁷a³ts⁷e⁴ nca³ts⁷i³ cho⁴ta⁴-le⁴
 Cristo. ¹⁹C⁷oa⁴-ti⁴s⁷in² t⁷e²ts⁷oa³
 t⁷a³ts⁷an⁴, jme¹-ni³ nca³ c⁷oi⁴-
 si¹ni³na³ en¹ nca³ sco³⁷e²³
 ntso⁴⁷va³, c⁷oa⁴ jme¹-ni³ nca³
 li²coi³ tsa³cjon³-si¹nia³ nca³
 coi³nchja²ya³ je² cjoa⁴⁷ma³ xi³ ts⁷e⁴
 en¹nta³ t⁷a³ts⁷e⁴ Cristo. ²⁰An³ nia¹³
 xi³ c⁷oi⁴²-s⁷in² ti²jna⁴ nca³jao³-
 le⁴ Ni³na¹. Ti²jna⁴n⁷ion¹t⁷a³
 n⁷o¹qui⁴cha⁴ xi³ t⁷a³ts⁷e⁴ je²
 en¹nta³ t⁷a³ts⁷e⁴ Cristo. C⁷oa⁴-s⁷in²
 t⁷e²ts⁷oa³ t⁷a³ts⁷an⁴, jme¹-ni³ nca³
 li²coi³ tsa³cjon³-si¹nia³ nca³ n⁷ion¹
 coi³nchja²ya³ xi³ t⁷a³ts⁷e⁴, jo³-s⁷in²
 nca³ tjin¹ne²-na³ nca³ coi³nchja²³.

Cjoa⁴ni²ti²²nta³ xi³ fe³t²a²

²¹Je² Tíquico, je² nts⁷e³² xi³
 cjai¹nca³ tsjoa³cha³², xi³ cjai¹nca³
 nta³ si¹xa¹ t⁷a³ts⁷e⁴ Nai³-na¹, je²
 c⁷oa⁴coi⁴tso⁴yi³je³-no³, jme¹-ni³
 nca³ jcha⁴-si¹nio³ jo³-s⁷in² ti²jna⁴
 c⁷oa⁴ jo³-s⁷in² ma³ xa¹-na⁴. ²²Coi³
 cjoa⁴ nca³ qui³sca³ni³con³-no³
 Tíquico, jme¹-ni³ nca³ jcha⁴-
 si¹nio³ xi³ t⁷a³tsain⁴jina⁴, c⁷oa⁴
 jme¹-ni³ nca³ si⁴²je³con³-si¹ni³
 ni⁴ma⁴-no³. ²³Je² Ni³na¹ N⁷ai³-
 na¹, c⁷oa⁴ je² Nai³-na¹ Jesucristo
 ca²ta³si¹qui³njen³nch⁷an¹jina³
 ni⁴ma⁴-le⁴ nts⁷e³², ca²ta³tsjoa¹-le⁴
 cjoa⁴tjao²cha³ nca³ ma³cjain¹-le⁴.
²⁴Cjoa⁴nta³ ca²ta³s⁷e³-le⁴ nca³ts⁷i³ xi³
 tsjoa³que³ Nai³-na¹ Jesucristo cao⁴
 cjoa⁴tjao²cha³ xi³ ni⁴c⁷ia³-jina² cjoe⁴.
 C⁷oa⁴ ca²ta³ma³.